

18.01.2021թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 024095/20-1-Վ
ՎԱՐՉԱԿԱՆ ՎԱՐՈՒԹՅԱՆ ՎԵՐԱԿԱՆԿՈՒ ԵՎ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 24095 գործի նյութերը,

ՊԱՐԶԵՑԻ

«ԷԼՄԱՐԿԵՏ» ՍՊԸ-ի տնօրեն Տիգրան Հարությունյանը (ՀՎՀՀ 00112776, հասցե՝ ք. Երևան, Քանաքեռ-Զեյթուն Պ" Սկակի 2, 21) համաձայն ՀՀ պետական եկամուտների կոմիտեի ԽՄՀՎ հարկային տեսչություն- վարչության 26.09.2018թ. թիվ 4104431 ակտի՝ առանց ՀՀ օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի կնքման պահել է 5 /հինգ/ աշխատողի վարձու աշխատող, որի համար նախատեսված է վարչական պատասխանատվություն համաձայն Վարչական իրավախախտումների վերաբերյալ ՀՀ օրենսգրքի 169⁵ հոդվածով:

ՀՀ ՊԵԿ Իրավաբանական վարչության կողմից վերոհիշյալ իրավախախտման փաստով հարուցվել է վարչական վարույթ՝ Վարչական իրավախախտումների վերաբերյալ ՀՀ օրենսգրքի 169⁵ հոդվածի համաձայն:

«ԷԼՄԱՐԿԵՏ» ՍՊԸ-ի տնօրեն Տիգրան Հարությունյանը պատշաճ ծանուցված լինելով գործի քննության վայրի և ժամանակի մասին, չի ներկայացել:

Վարչական վարույթի շրջանակներում պարզվել է, որ «ԷԼՄԱՐԿԵՏ» ՍՊԸ-ի տնօրեն Տիգրան Հարությունյանը հայցադիմում է ներկայացրել ՀՀ վարչական դատարան /այսուհետ նաև «Դատարան»/ 26.09.2018թ. թիվ 4104431 ակտն անվավեր ճանաչելու պահանջով, որը Դատարանի 16.11.2018թ" թիվ ՎԴ/11208/05/18 որոշմամբ ընդունվել է վարույթ:

Վերոգրյալի հիման վրա ՀՀ ՊԵԿ իրավաբանական վարչության պետի կողմից համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «ա» կետի 23.11.2018 թվականին կայացվել է վարչական վարույթը կասեցնելու մասին որոշում:

ՀՀ Վարչական դատարանի 14.10.2020թ. թիվ ՎԴ/11208/05/18 վճռով «ԷԼՄԱՐԿԵՏ» ՍՊԸ-ի տնօրեն Տիգրան Հարությունյանի հայցադիմումը մերժվել է և 26.09.2018թ. թիվ 4104431 ակտը թողնվել է անփոփոխ: Վճիռն օրինական ուժի մեջ է մտել 15.11.2020թ":

ՀՀ ՊԵԿ իրավաբանական վարչության կողմից «ԷԼՄԱՐԿԵՏ» ՍՊԸ-ի տնօրեն Տիգրան Հարությունյանին ծանուցագիր է հասցեագրվել վերսկսված վարչական վարույթին մասնակցության վերաբերյալ:

Ծանուցված լինելով գործի քննության վայրի և ժամանակի մասին՝ Կողմը չի ներկայացել: Գործում առկա չեն գրավոր առարկություններ, բացատրություններ:

Տիգրան Հարությունյանի կողմից վերջին մեկ տարվա ընթացքում նման իրավախախտում կատարվել է առաջին անգամ, ուստի կատարված իրավախախտման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169⁵ հոդվածի 1-ին մասով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին կետով, ինչպես նաև «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով՝

ՈՐՈՇԵՑԻ

1. Տիգրան Հարությունյանի վերաբերյալ հարուցված թիվ 24095 վարչական վարույթը վերսկսել:
2. Համաձայն Վարչական իրավախախտումների վերաբերյալ ՀՀ օրենսգրքի 169⁵ հոդվածի 1-ին մասի Տիգրան Հարությունյանի նկատմամբ կիրառել վարչական տույժ՝ նշանակել տուգանք 250.000 (երկու հարյուր հիսուն հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

ՍԵՆԱԿԱՆՅԱՆ



Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում անցյալ տարվա հարկային պարտավորություններից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ամսապահով հերքելու օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատող անձին նման իրավազոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին՝ 900005240487: Վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____